



## Universitätsbibliothek Paderborn

**DE TRIBVS BONORVM || operum generibus,||  
ELEEMOSYNA,|| IEIVNIO ET ORATIONE;|| deque eorundem  
operum vi, vsu, & || ratione, LIBRI TRES,|| AVCTORE ||  
THEODORO PELTANO SO-||cietatis IESV Theologo.|| AD ...**

**Peltanus, Theodor Anton**

**Ingolstadii, 1580**

Vndecimi. De præcipuis fructuosæ eleemosynæ conditionibus, deque  
delectu & ordine, qui in eleemosynarum distributione obseruandus  
videtur.

[urn:nbn:de:hbz:466:1-46891](https://nbn-resolving.de/urn:nbn:de:hbz:466:1-46891)

SVN T qui ex animo vel fine, quo iste vel ille motus hoc vel illud vitæ genus cōpletebitur, rem hanc estimandam iudicant. Voluntati, qui virtutis amore voluntariam paupertatem profitentur, eleemosyna, si copia adsit, subleuandos, ceteros verò, qui temporarium aliquod cōmodum ea professione querunt verius, quam CHRISTVM, aut regnum cœlorum, aut animarum fructum, aut aliud quocunq; cū vera virtute coniunctū, vacuos dimitti posse. Verū licet magnam eius rei rationem habere debeat, qui eleemosynam querunt, finēq; vsq; adeò præpostero pauperum contubernio sese adiungant: qui tamen donant, habere non debent, neq; habere quoque possunt; vt qui de alterius animo nihil certi statuere, aut pronunciare valeant. Aut omnibus ergo promiscue dandum est, quod petunt, modò tamen dandi facultas non desit, aut si quibus dandum nō est, iis dari non debet, quos piorum benignitate abuti certò compertum est. Probatum est ergo, nō modò cæcis, claudis, debilibus, ceterisque, qui vietum parare non valent, eleemosynis subueniendum esse; sed quibusdam quoque validis. Supereft ut nonnulla etiam de ordine, aliisque circumstantiis, quas in eleemosynarum distributione obseruare par est, in medium adferamus.

*De precipuis fructuose eleemosyna conditionibus, deg, delectu  
& ordine, qui in eleemosynarum distributione  
obseruandus videtur.*

### CAPVT V N D E C I M V M.

**E**LEEMOSYNAM suis ornamentis externisq; partibus destitutam, eleemosyna appellatione vix mereri, probatione non magnopere indiget: nam, vt antè expositum est, eleemosyna non cuiusvis, sed eius virtutis actus est, que inter ceteras principatum obtinet. Virtus autem, quam intrinsecæ & extrinsecæ, hoc est, essentiales & circumstantes partes non cōmandant, vt nomen queat, verè tamē perfectæq; virtutis rationem obtinere non valet. Neq; tamen de singulis eleemosynarū partibus & circumstantiis seorsim hoc loco differere est animus; sed de iis p̄cipue, quarū haec tenus inter disputandum, vel non meminimus, vel obiter tantum meminimus.

IGITVR

Virtus suis par-  
tibus & circum-  
stantiis destitu-  
ta, virtutis ratio-  
nem assequi ne-  
quit.

IGITVR vt eleemosyna eiusmodi fructus fundat, cuiusmodi  
suprà ex Scripturis, sanctorumq; Patrum monumentis eidem af-  
signauimus, iusta, pia, prompta, humilis, pro facultatum ratione  
larga, discreta, hoc est, prudens, ordinata, ceterisq; circumstantiis  
ornata sit, oportet. Nam etsi iniusta, pietate, promptitudine, hu-  
militate, prudentia, ordine, largitate &c. destituta, egenis pro-  
delle queat, & prodesse quoque soleat, D E O tamen, qui non tam  
datum, quām donantis animum spectat; (*Reffexit enim ad Abel et  
munera eius*) eiusmodi eleemosyna non placet, aut certè multò mi-  
nus placet, quām alioquin placuisse, si debitis circumstantiis ve-  
stita fuisset.

ERIT autem iusta, si in pauperū subsidium id erogatur, quod  
iustè est acquisitum, vel saltem non iniustè possessum: Nam, vt nu-  
per dicebamus, quædam iure possidentur, quæ tamen absq; pec-  
cato non comparantur. Meretrix, histrio, præstigiator, aliiq; eius  
farinæ homines complures, artibus non bonis quæstum faciunt;  
attamen quod malè, hoc est, non absq; noxa quæsuerunt, hoc in  
suum vel aliorum vsum vertere non prohibentur. Quòd aut̄ ele-  
mosynarū causa nihil committi debeat, quod cum iustitia aut ho-  
nestate pugnet, hoc est, nullū furtū, nullus dolus, nulla rapina, aut  
impostura: illud fusè probatū est antè, & per se notū est satis: Neq;  
enim vlla vñquam facienda sunt mala, vt euenant bona: Furari  
aut̄, vi rapere, dolum vel fraudem facere, res sunt malæ, fraternæq;  
charitati planè dissidentiae. Cōmendat sanè Dominus iniquitatis  
villicū, non quia aliena rapuerat; sed quia alienis bonis prudenter  
vīs fuerat. Voluit autem eo paradigmate nos admonere, vt villi-  
cibuius exēplo illa inter pauperes distribuamus, q; nobis ad vsum  
necessaria non sunt; adeoq; nostra dici propriè non posunt; quòd  
nimirum illi nos à villicatione nostra iam amotos, hoc est, mor-  
tali hac vita perfundatos, in æterna recipient tabernacula.

IYSTA rursus adeoque efficax & meritoria erit eleemo-  
syna, si is, qui donat, D E O per charitatem fuerit adiunctus: perspi-  
cum est enim, eleemosynam obstinato animo in scelere persi-  
stentis, eam vim nō habere, vt illum, qui donat, à peccato, morte,  
inferno, ceterisq; malis, à quibus eleemosyna liberare solet, eri-  
piat. Quare Scriptura ita misericordiæ opera passim exaltat, vt à  
ceteris tamē stūdiosis actionibus nunquam ferè illa diuellat.

Commen-

DEVS nō tam  
datum, quā do-  
nantis animum  
spectat.  
Genes. 4.

Quædam m̄ l̄  
parantur, que tñ  
non iniustè pos-  
sidentur.

Luc. 16.

Quid Dominus  
indicare volue-  
rit per villici pa-  
rabolam.

Opera misericor-  
diz, vt sint per-  
fecta, & efficacia  
alias virtutes ad-  
iunctas habeant  
oportet.

Esa. 58.  
Ezech. 18.

Commendat D E S per Esaiam pauperum causam Iudæis seriò, sed præmittit, vt opprimentes impietatis fasciculos deponant. Sic quoque Prophetæ Ezechiel iudicium & iustitiam misericordiæ adiungit: Sic, ne singula percurram, Abrahæ, Loth, Job, Tobiae, Cornelij Centurionis, Tabitæ, Zachæi, & aliorum non paucorum eleemosynæ pleno ore prædicantur, sed alię eorundem præclaræ virtutes non reticentur. Deniq; communis Sanctorum vox est, eleemosynas tum demum prodesse, cùm nuncio præcis vitiis misso, nouæ vite ratio initur. Cùm auditis, scribit alicubi Augustinus, omnia malefacta eleemosynis redimi, nolite sic intelligere, vt intelligent quidam peruersi: eleemosynæ enim possunt tibi prodesse ad delenda peccata præterita, si mores mutaueris. Si autem in eisdem malis perseueraueris, eleemosynis tuis non corrumpes iudicium D E I. Similia comperias apud Gregorium, Hieronymum, Ambrosium, & alios Patres.

*Homil. 19. lib.  
Homiliarum.  
Eleemosynæ pro  
sunt, si vitâ mu  
taueris.*

*Qui præpostero  
fins eleemosynæ  
donat, nullo spi  
rituali fructu do  
nant.*

*Quid deposca  
tur, vt eleemosy  
na sit, dicaturq;  
prompta.*

I V S T A tandem & pia simul erit, si ex proximi charitate orta, tendat in D E V M, vel alium finem honestum. Nam qui donat, vt ad peccatum vel errorem alliciat, vel vt vulgi plausum obtineat, quo animo Phariseos donaſſe legimus, vel alia de causa non bona, nullo fructu donat: Sed nec illi quoque opus cœlesti mercede dignum præstant, qui sola naturali quadam commiseratione tam misericordiæ opitulantur. Nam & Pagani quoque, & Iudæi, & Hæresi cōtaminati, hoc sensu tacti benignè nonnunquam egenis faciunt; qui ob id tamen à peccato vel morte non absoluuntur, nisi forsan remota quadam dispositione. Qui itaque salubriter vult donare, donet propter D E V M, cuius sunt omnia, & quæ donamus, & quæ in ipsis propriis affiruamus, curetque, vt C H R I S T O per gratiam & charitatem sit adiunctus.

P R O M P T A erit eleemosyna, si opem nostram implorantibus non dicemus: hodie nequeo, cras vel alio opportuniore tempore ad me redito, & dabo: Siquidem verè benigni, verèque & ex animo misericordes non procrastinant, sed oblatam dandi occasionem gratarter acceptant: Imò verò mendicantis vocem sèpe non expectant; sed vbi cunq; præsentem vel impendentem inopiam vident, ibi vltro aduolant. Neque enim opus est semper, vt pauper lamentabilibus verbis miseriā suam prodat, opemq; petat; petit ipsa cris macies, petit infirmitas, petit ipsa nonnunquam etiam

etiam personæ qualitas. Comperiuntur enim viri honesti casu vel infortunio quopiam ad inopiam redacti, qui inedia perire malūt, quām cum familiæ dedecore vita presidia palam emēdicare. Horum autem vocem data opera expectare, aliud nihil esset, quām affictio afflictionem addere, extremeq; egenti opem nolle ferre. Vtaut, qui tales studio negligunt, nō leui peccato feso obstrigūt; ita ediuerso singulari laude digni sunt, qui peculiarē istiusmodi verecundorum pauperū curam gerunt. Hos Propheta regius designasse videtur, dum inter cætera, ita scribit: *Beatus qui intelligit super egenum et pauperem.* Insinuat em̄, quosdam esse, qui vnū hoc studium habēt, vt paupes latentes inq̄rant, inuētisq; benignè faciat.

D e hac in dando promptitudine D. Augustinus alicubi ita scribit: Perfecta, fratres, eleemosyna est, vt antea occurrat esuriēti cibus, quām roget mendicus. Non em̄ est perfecta misericordia, quæ precibus extorquetur. Si tacet mendicus, loquitur pallor in facie. Festina pietas succurrere, ne audias rogantem; ne quod debetur Domino, vendices tibi. Imitare D e v m tuum, qui *Solem suum oriri facit super bonos & malos, & pluit super iustos & iniustos:* Et ecce venit tibi pluia antequam rogas: Descendit vberas nocte, dum stertis; dum adhuc in lecto es, ex præcepto vigilat dies, excubant elementa, fructus te nesciente effunduntur.

H vi c cognatū est illud Ambrosij: Non satis est bene velle, nisi etiā studeas benefacere; nec satis est iterum benefacere, nisi id ex bono fonte, hoc est, ex bona volūtate proficiscatur. *Hilarē enim datorem, diligit D e v s: nam si inuitus facis, quæ tibi merces est?* Vnde Apostolus generaliter inquit: *Si volēs hoc ago, mercedē habeo: Si inuitus, dispensatio mibi credita est.* Et illud rursum Gregorij Nazianzeni:

BENEDICTIONEM accipiamus, intelligentes vocemur, benignissimus; ne vox quidem misericordia officia interrumpat: ne dixeris, rediēs redi, & craftina die dabo tibi; ne quid inter propositum tuum & beneficentiam intercedat. Vna est beneficētia, quæ moram non patitur. Frange esuriēti panem tuum, & egenos te- stōq; carentes induc in domum tuam, idq; lāto & alaci animo. Qui enim miseretur, inquit ille, cum hilaritate misereatur, ac beneficij gratia promptitudine & celeritate congeminetur: Nam quod moesto animo defertur, aut necessitate extorquetur, in gratum est parumque gloriosum. Lātandum est autem, non lugendum, dum beneficium damus.

Psal. 40.

Lib. Hom. 34.

Non est perfecta  
eleemosyna, quæ  
precibus extor-  
quetur.

Matth. 5.

Non satis d. 86.

Sat non est bona  
voluntas, si ad sit  
operis copia.

2. Cor. 9.

1. Cor. 9.

Orat. de paup.  
am.

Prou. 3.

Ezai. 58.

Rom. 12.

Lātandum non  
lugendum, dum  
beneficium da-  
mus.

P; past.adm. 1.

ET illud tandem Gregorij Magni: Admonendi sunt, qui sua misericorditer tribuunt, ne tarditate petetis, nocuè crucient; ne recipienda hīc gratiæ intentio subrepat; ne oblatum munus cōiuncta tristitia absorbeat; ne in bene oblatu munere animus plus, quām decet, hilarescat; ne sibi quicquam, cūm totum recte impluerint, tribuant, & simul omnia, posteaquam peregerint, perdant. Nam ne sibi virtutē suę liberalitatis deputent, audiant, quod scriptum est: *Si quis administrat, tanquam ex virtute, quam administrat Deus.* Ne in benefactis immoderatiū gaudeant, audiant, quod scriptum est: *Cūm feceritis hæc omnia, dicite: servi inutiles sumus, quæ debuimus facere, fecimus.* Ne largitatem tristitia corrumpat, audiant quod scriptum est: *Hilarem datorem diligit Deus.* Ne ex inipendo munere transitoriam laudem querant, audiant quod scriptum est: *Cūm facis prandium aut cœnam, noli vocare amicos &c.* Ne, quæ p̄benda sunt citius, serò p̄beantur, audiāt quod scriptum est: *Nedixeris amico tuo, vade, reuertere, et cras tibi dabo, cūm statim possis dare.* Ne sub obtentu largitatis ea, quæ possident, inutiliter spargant, audiant quod scriptum est: *Sudet eleemosyna in manu tua.* Ne cūm multa necessitate sint, pauca largiantur, audiant quod scriptum est: *Qui parce seminat, parce & metet.* Hæc Gregorius, & alia in eūdem sensu multa: vix enim vlla extat frugiferæ eleemosynæ conditio, quam ille loco indicato non attingat, vel ex instituto non tractet: dandum est itaque promptè.

SED neq; promptè tantūm, quod necessitas postulat, dandum est, sed magna quoq; cum animi alacritate. Nam qui aliās inuiti humano quodam pudore huc impellūtur, ne videlicet vulgo habeantur auari vel fordidi, multò illi minorem apud Deum gratiā ineunt, quām si Apostoli consilium secuti, hilariter & liberaliter id facerent. Quid enim scribit ille: *Necessarium existimauit rogare, fratres, ut præueniant ad vos, et præparent reprimissam benedictionem;* hoc est, eleemosynam, non tanquam auaritiam, sed tanquam benedictionem; ita nimurum, ut publicè constet, vos liberaliter conferre, non ægrè, sicuti auari solent. Et causam, cur hilariter simul & liberaliter donandum sit, exponens; subdit: *Hoc autem dico: Qui parce seminat, parce & metet: Qui autem seminat in benedictionibus,* hoc est, copiosè, & liberaliter, *de benedictionibus,* hoc est, cumulatè abundanterq; metet: latet namque Hebraismus, vel Scripturæ idiotismus in Apostoli verbis. Solet hæc enim liberaliores eleemosynas benedictionis nomine

nomine designare. Addit rursum: *Vnusquisq; prout destinauit in corde suo, non ex tristitia, aut necessitate; bilarem enim datorem diligit D E V S.* Et ne qua de futura inopia trepidatio, sanctum hoc opus remorari posset, subiungit tandem: *Potens est autem D E V S, omnem gratia abundare facere in vobis, vt in omnibus semper omnem sufficientiam habentes, abundantis in omne opus bonum, sicut scriptum est: Dispersit dedit pauperibus, iustitia eius manet in seculum seculi.*

HAE C omnia & alia p̄terea honnulla, quæ hunc locū eodem illo capite cōsequuntur, huc tendunt, vt intelligamus, hilariter & expeditè, quod necessitas exigit, & facultas permittit, pr̄standū esse; certò nobis p̄suasum habentes, nihil hac alacritate detrimēti priuatis nostris facultatibus accessurū, id quod plurimis s̄ape argumentis probatum est. Si vereris, scribit Cyprianus, ne, si operari multūm cōperis, patrimonio tuo larga operatione finito, ad penuria fortē redigaris, esto in hac parte intrepidus, esto securus, finiri non potest, vnde in usus C H R I S T I impenditur, vnde opus cœlestē celebratur. Nec hoc tibi de meo spondeo, sed de sanctarum Scripturarum fide; & diuinæ pollicitationis auctoritate promitto; loquitur per Salomonem spiritus sanctus, & dicit: *Qui dat pauperibus, nūquām egebit; qui autem auertit oculum suum, in magna penuria erit;* Ostendens misericordes & operantes egere non posse, magis parcōs & steriles ad inopiam postmodum denenire. Similia iuperioribus capitibus audiūmus ex Leone primo, Prospero, Isidoro, Petro Chrysologo, Augustino, & aliis.

H U M I L I S erit eleemosyna, si qui illam dispensant, in munera suorum multitudine vel magnitudine non nimium gloriantur. Non gloriabuntur aut, si eorum, quæ in pauperes erogat, non tam dominos quām œconomos se esse cogitabunt. Humiles rursum eiusmodi hic erunt, si eleemosynam petētes, siue votis illorū faciat satis, siue secūs, blandè amiceq; excipient, cōsolatosq; quod in se est, abs se dimittent. Hanc aut in pauperes benignitatem animiq; submissionem haud magna cum difficultate, accedente huc C H R I S T I gratia, consequentur, si mētis aciem in eos, non vt in viles abiectosq; homines; sed vt in C H R I S T I membra vel in C H R I S T Y M ipsum coniicient: Tūm si illos salutis suæ ministros & synergos esse, eandemq; fortē sibi quoq; aliquādo euenire posse animo pertractabunt; qua de re Augustinus alicubi in hunc modū scribit: *Cui dare pr̄cipitur, gaudeat, quod nō ea sorte*

Q 2 natus

Scriptura benigniores elemo-  
tynas benedictio-  
nis nomine de-  
signat.

Finiri id nō po-  
test, vnde in  
C H R I S T I  
vium impendi-  
tur.  
Proverb. 28.

*Sar. 76. de temp.* natus sit, vt indigeat: Sufficit ad gloriam dantis, quòd misericordia fœnerat D E V M, quòd pascat in paupere C H R I S T V M, quòd per alterius inopiam, accipiat indulgentiam. Obiurgantis Domini vox est: *Si in alieno mammona fideles non fuistis, quod vestrum est, quis dabit vobis?* Talem enim quis se pauperi exhibere debet, qualem sibi alium exhibere vellet, si pauper ipse fuisset. Humiles hic tandem erunt, si hypocrita non erunt. Hypocritæ autem non erunt, si ne- sciat sinistra, quid faciat illorum dextera, quodcunque tandem per dexteram & sinistram accipere lubeat.

Luc. 16.

*Quo sensu dan-  
dum sit omni-  
petenti.*

LARGA erit eleemosyna, vel, vt rectius dicam, largi liberalesq; eleemosynarij erimus, si Tobiae consilium fecuti, à nullo paupere faciem auerterimus: Nam, vt Scripturæ monent & Sancti paſſim confirmant, dandum est omni omnino petenti, modò adſit facul- tas, & vrgeat necessitas, & nihil, quò minus detur, impedit, vel obſtet: Vel certè dandum est omni, quia non tantum amicis, vel iustis, vel fidei domesticis; sed Paganis quoq; & peccatoribus: nā Pagani quoq; & peccatores D E o curæ sunt: *Pluit is enim super iustos & iniustos, & Solem suum oriri facit super bonos & malos,* & ad gratiâ Ca- tholicæq; fidei lucem venire quâdoq; poterunt, & fortè eiusmo- di charitatis officio allecti, facilius huc perducetur; Vel dandum est tandem omni, quia non totum dandum est vni. Nemo enim dubitat, inſtitia esse minimè parua, id totum in vnum effundere, quod dispergiendum erat inter multos; sicut quoque ibi multa profundere, vbi opus est paucis; vel ibi pauca, vbi opus est multis; vel ibi minus, vbi desiderabatur maius; vel è diuerso ibi maius, vbi depositebatur minus.

E t quemadmodum non omnia vni, quæ redundant, imper- tienda sunt, niſi forſan residuum eſſet admodū exiguum, & vnuſ ille, quò à præſenti inopia liberetur, multis indigeat; ſed ea ſolū, quæ ad ſubleuandam præſentem egeſtatem ſat ſint; ſiue ea ne- cessitas communis ſit, ſiue ſpecialis; ita quoque pauperibus duris affuetis, niſi viſ morbi, aut corporis debilitas aliud exigit, nō ſunt donanda opipara, operofequē parata, ſed vulgaria: Siquidem utrumque, nempe plura vni exhibere, quām neceſſarium eſt, & de- licatiora rurſum exhibere, quām par eſt, cedit in non leue aliorū pauperum præiudicium. Nam vt ex vna preciosa tunica decē, vel etiam plures confici poſſunt crasfæ; ita ex vna cœna ſumptuosa, decem nonnunquam vulgares confici poſſunt.

DISCRE-

*Vt non omnia  
vni, ſed neceſſa-  
ria tantum: ita  
hominibus du-  
ris affuetis non  
ſunt precioſio-  
ra offerenda, q  
illorum poſtu-  
la conditio.*

DISCRETA & prudens erit eleemosyna, si hoc ipsum prestatetur & obseruetur, quod modò dictum est, hoc est, si curetur, ut quisq; tantum eroget, quantū, domestica necessitate considerata, commode erogare valet, & pauperū necessitas pro tempore postulat. Itaq; qui donare potest aurū, det aurum; qui argētum, argentum; qui panem, panem; qui parum, parum; qui multis, multis; qui paucis, paucis; qui tandem nihil, is bonam adferat voluntatem: nam & hæc quoque sua mercede non caret. Regnum Dei, scribit Gregorius, tantum valet, quantum habes: Valuit Zachæo dimidium substantiæ, valuit viduæ duobus minutis, valuit alteri calice aquæ frigidæ. Sed fortassis nec calix aquæ frigidæ suppetit, qui indigenti prebeat? etiam hic securitatem nobis promittit sermo diuinus. Redemptore etenim nato cœli ciues ostensi sunt, qui clamarent: *Gloria in excelsis Deo, et in terra pax hominibus bona voluntatis.* Hæc de iis Gregorius, qui præter bonam voluntatem, nihil eleemosynarum in medium adferre possunt.

DISC R E T I hic rursum & prudentes erimus, si caueamus, ne quædam iis, quibus nulla; ne nulla, quibus aliqua; ne multa, quib; pauca; ne pauca tandem impendamus, quibus multa impendi debabant. Tū rursum si à capite, hoc est, ab iis, qui maximè egent, vel maiori necessitudine nobis coniuncti sunt, exorsi, per certa quædam media contenderimus ad ima, hoc est, ad eos, qui eleemosynarum præsidio minus egent, aut maiori interuallo à nobis distant, nihilque eorum omiserimus, quæ ad prouidam riteque ordinatam eleemosynam necessaria esse dignoscuntur.

PRUDENS tandem & ordinata erit eleemosyna, vel, quod in idem redit, prudenter ordinatæq; eleemosynam largiemur, si fidem, causam, locum, tempus, generis propinquitatem, nobilitatem, vires, aliaque id genus non indiligerent obseruauerimus. Et quidem ad fidem, & quæ huic cognata est, iustitiam quod attinet, dubium nullum est, si cætera sunt paria, maiorem in eleemosynarum distributione habendam esse rationem fidelium & iustorum, quam infidelium & iniustorum; notū est enim illud Apostoli: *Dum tempus habemus, bonum operemur ad omnes, maximè autem ad domesticos fidet.* Tum illud rursum eiusdē: *Si quis suorum & maximè domesticorum curam non habet, fidem negavit & infideli deterior est.* eodem pertinet hæc Ambrosiana: Grandis culpa est, si te sciente egeat fidelis; si scias eum sine sumptu esse, & famē tolerare, ærumnā perpeti, qui præsertim

Q 3 egere

*Quid depositat  
di cœtra eleemo-  
syna.*

*Ho. 5. in Euang.  
Luc. 19.  
Marc. 12.  
Matth. 10.*

*Luc. 12.*

*Fideles & iust  
in eleemosyna-  
rum distributio-  
ne cæteris ante-  
ferendi.  
Gal. 6.  
1. Timoth. 5.  
Li. 3 c 30 offici.  
Non satis d. 86.*

egere erubescit: nam et si omnibus debetur misericordia, at iusto amplius. Hæc diligenter notent, qui Dei seruis eleemosynam pe-tentibus petulanter quandoq; insultant, præsidioque, quod iure illis debebatur, vel iniustè defraudant, vel, vt defraudentur, ope-ram nauant.

Causæ ad ele-  
mosynam erogā  
dā impellentes,  
vt variæ sunt, ita  
non ex æquo im-  
pellunt.

Multa sunt, que  
egeſtatis incom-  
moda augent,

Vbi maior vrget  
necessitas, ibi  
maior cōmiser-  
tionis ratio mi-  
litat.

In eleemosynarū  
distributione, pe-  
culiaris ratio ha-

C A V S A E porrò ad eleemosynam huic vel illi impertiendam impellentes, vt variæ sunt, ita dispar quoq; debitum adferunt. In confessio est namq; non èquam eius iuuandi obligationē esse, qui extrema; & qui communi tātū inopia tenetur: Eius rursum, qui iniustè ad supplicium, mortem vel seruitutem rapitur; & eius qui iusta inedia aliāue promerita miseria torquetur: Eius item, qui educauit vel instituit; & eius, qui neutrum horum præsttit: Eius tandem, qui optimè meritus est; mererīue studuit; & eius qui pesimè, vel nihil, esto pari vel majori quoq; egestate prematur, mo-dò tamen infra extremam vel quasi extremam.

Lo'c vñ tempus, senium, morbum; aliāq; his cognata, egestatis incōmoda augere, nemo est, qui iure ambigere queat. Neq; enim parū interest, in patriāne, apud amicos, familiares, vel affines in-opem vitam ducas, an apud exterōs & ignotos: Naturaliter enim impensius fauemus notis, quām ignotis; sanguine vel alia necesi-tudine iunctis, quām nihil ad nos p̄tinentibus. Rursum famēne, aut siti, aut nuditate, aut alia calamitate in arctissimū ergastulum detrusus cruciere; an hæc ipsa sublibero cœlo perpetiare: nam qui liber est, ostiatim mendicando, vel operam suam alteri locan-do, miserię, qua tenetur, obuiam ire potest; qui autem in vinculis, vel in carcere detinetur, neutro modo calamitati suæ solatium adferre potest. Tandem reip̄lāne propter rerum familiarium in-opiam vel acceptam cladem afflictēre, an propter culpam, vel etiam citra culpam his incommidis paulatim affinis fias. Clarum est enim, multò grauius esse, cecidisse, quām ad casum propende-re: Atqui vbi maior vrget necessitas, ibi cæteris exæquatris, maior quoque commiserationis ratio vrget.

Q V A E de eorū calamitate & statu exposita sunt, qui carcere squalore macerantur, vel ergastulis inclusi detinentur, hæc certa quadam proportione ad ægros quoq; seniōq; confessos, vel alias inualidos transferri possunt: Quandoquidem ætate florētes, sano robustōq; corpore prædicti, ac viribus integri, si sibi nō defuerint, haud magna cum difficultate victum, cæteraque vitæ necessaria paraue-

parauerint. Non ita autem ægritudine pressi, aut senio confecti, aut alia quacunq; de causa inualidi. Hi enim sicut laborem tolerare nō queunt, vt maximè cupiant; ita vietus causa ostiatim discurrere absque grandi difficultate non possunt, imò quidam ex iis omnino non possunt.

Quod autem peculiarem nobilitatis, tūm propinquitatis quoq; generisq; rationē habere conueniat, modò cetera non sint disparia, id fatentur omnes, & ipsa quoque ratio hoc dicitat. Nam quis, si rationis iudicium consulat, non videat, viri nobilis furto, rapina, incendio, iniusta proscriptione, alioue immerito infortunio ad pauperiem redacti, miseré dum esse potius, quam hominis plebei ad miseriā natī? familiaris aut domestici, quam nullo necessitudinis vinculo coniuncti? amantis vel parentis, quam odientis vel occidentis? De his omnibus ita Ambrosius:

Dicit, inquit, traditio est, vt prius pascas parentes: nam si iuxta diuinum oraculū, contumelia parentis morte luitur, quanto magis fames, quæ multò grauior est. & alio rursus loco: Probanda est & alia liberalitas, vt proximos seminis tui non despicias, si egere cognoscas. Melius est enim, vt ipse subuenias tuis, quibus pudor est, ab aliis sumptū depositare, aut alicui postulare subsidium necessitatis. Nō tamē, vt illi ditiones fieri velint ex eo, quod tu conferre potes inopibus. Causam enim natura præstat, non gratia. & infra: Consideranda est in largiendo artas, atque debilitas, non-nunquam etiam verecundia, quæ ingenuos prodit natales; vt senibus plus largiaris, qui sibi iam nequeunt viatum querere. Similiter & debilitas corporis promptius est adiuuanda. Tūm si quis ex diuitiis cecidit in egestatem, & maximè si sine suo vitio: Sed aut latrociniis, aut proscriptione, aut calumniis, quæ habebat amisit. Hæc ille.

O M N E S ha & si quæ adhuc extant alię fructuosę ordinatęq; eleemosynæ cōditiones, ad debiti, honesti, & necessarij rationem reduci possunt. Etenim vt extremè vel quasi extremè laboranti opem feras, id postulat necessitas: Vt autem probis, eruditis, nobilibus, bene de Repub. vel Ecclesia meritis, pro facultatum modulo benignè facias, id quædam ciuilis exigit honestas; Vt vero parentibus, præceptoribus, benefactoribus, aliisque consimilibus inopia pressis manum porrigas, id naturalis æquitas efflagitat.

INTER

bēda est senum,  
debilium, & in-  
firmorum.

Cæterum d. 86.  
Ante omnes pa-  
scendi sunt pa-  
rentes.  
Probanda d. 86.

Considerātum,  
d. 86.

Omnes fructuo-  
sæ eleemosynæ  
conditiones ad  
debitum, hone-  
stum, & neceſſa  
rium referuntur.

Extremè agens  
e ceteris omnibus  
extremè nō egē-  
tibus anteaferen-  
dua.

INTER tria hæc primas obtinet necessitas, hoc est, vltima vel quasi vltima egestas. Quare si capitulo hostē de me meisq; meritum pessimē, fame, siti, vel alio incōmodo, cui mederi queam, pereuentem animaduertam, parentem verò, vel præceptorem, vel alios quoscunq; præclarè de me meritos, egere quidem mea ope intelligo, nō tamen extremè aut quasi extremè, si vtrisq; opitulari non valeo, missō parente vel præceptore, hosti extremè laboranti subuenire debeo, & nisi fecero, graui noxa me obstringo. Causa huius est, quia eleemosyna per se primò ac propriè spectat indigentiam; cætera autem omnia secundariò, & quasi per accidens. Quare vbi maior vrget inopia, ibi præceptum eleemosynariū obligat strictius, & eleemosynę ratio constat verius: Nam propter honestatem vel morale debitū donare, ad iustitiam & beneficentiam pertinet verius, quam ad misericordiam, vel charitatis legem.

Vltima necessita-  
te seclusa, nacel-  
farium, honestū  
& debitum alia  
& alia ratione se  
inuicē excedit.

CAETERVM vltima egestate seclusa, tria hæc alia & alia ratione se mutuò excedunt: per se tamen necessarium magis vrget, quam honestum vel debitum; debitum rursum magis quam honestum. Quapropter si plures æquè indigent, siue indigeant extremè, siue citra extremū, primùm quidem habēda erit ratio debiti, proximè honesti, postremò magis minùsue debiti, vel honesti: Siquidē non omnia debita æquè sunt arcta aut magna; nec omnia honesta eadem lege & ratione æquè sunt honesta. Nā vt nemo nescit, magis obligor parentem iuuare, quam sobolem, præsertim adultā, (nam infantium & puerorū, qui per etatem seipso iuuare non possunt, singularis ratio habenda est) & sobolem rursum magis quam cæteros sanguine iunctos; & domesticos magis itidē quam exteris; & inter hos tandem magis meritos, vel magis probos, minus meritis vel minus probis. Deniq; idem hīc ferè obseruandus est ordo, qui in charitate. Similes gradus in honestatis ratione annotare & obseruare quoque licet.

ET hæc de ordine, cæterisque, quæ in eleemosynarum considerationem cadunt, haec tenus. Faxit Dominus, vt pauperibus ditibusque ex æquo prosint, his quidem ad æternæ vitæ meritum, illis verò ad qualemque miseriarum, quasi iusto D e i iudicio sustinent, solatum, AMEN.

L A V S D E O.

I E I V -